

QEH, UMS dan CLAPAM anjur karnival Klef Sabah

UB 31.07.2022 P.02

Program amat baik kepada kanak-kanak klef menjalani pembedahan, kata Shahelmey

KOTAKINABALU: Hospital Queen Elizabeth (QEH), Universiti Malaysia Sabah (UMS) dan Persatuan Klef Bibir dan Lelangit Malaysia (CLAPAM) menganjurkan Sabah Cleft Carnival 2022 yang meliputi aktiviti simposium, klinik bersepadu rawatan serta pembedahan klef bagi kanak-kanak di Sabah.

Karnival selama lima hari itu mengumpulkan 17 pakar multidisiplin dari seluruh negara bagi membincangkan isu-isu berkaitan klef bersama ibu bapa serta kakitangan perubatan.

Menteri Pembangunan Masyarakat dan Kesejahteraan Rakyat Datuk Ir. Shahelmey Yahya berkata, perkongsian itu dilihat dapat memberi sokongan kepada ibu bapa untuk mendapatkan ilmu serta pengalaman daripada keluarga lain yang turut mempunyai anak klef.

"Ini penting untuk membina rasa kemasyarakatan dan menerima sokongan secara mental dan emosional selaras dengan prinsip Keluarga Malaysia.

"Saya berharap program ini dapat diteruskan pada masa akan datang bagi program klef atau mana-mana pro-



KENANGAN: Shahelmey (depan, tengah) bersama peserta Karnival Klef Sabah 2022 di Auditorium Fakulti Perubatan dan Sains Kesihatan UMS merakamkan gambar kenangan.

gram perubatan yang diperlukan oleh rakyat di Sabah," katanya ketika merasmikan karnival tersebut di UMS pada Khamis.

Sabah Cleft Carnival 2022 merupakan hasil kerjasama strategik Unit Pembedahan Plastik HQE, Unit Pembedahan Plastik dan Rekonstruktif, Fakulti Perubatan dan Sains Kesihatan UMS dan CLAPAM.

Tambah Shahelmey, pro-

gram seumpama itu merupakan satu program yang amat baik bagi kumpulan sasaran khususnya kanak-kanak klef untuk menjalani pembedahan.

"Saya mengalu-alukan usaha murni ini dan saya difahamkan Sabah Cleft Carnival ini telah bermula sejak 2014 dan terhenti pada tahun lalu akibat pandemik.

"Dan pada kali ini ianya disambung semula. Sudah

tentu dengan adanya program seumpama ini, kes-kes tertunggak yang memerlukan pembedahan klef di Sabah akan dapat ditangani," katanya.

Sementara itu, Naib Canselor UMS Profesor Datuk ChM. Ts. Dr. Taufiq Yap Yun Hin berharap sinergi program antara agensi Kementerian kesihatan Malaysia dan UMS dapat diteruskan dan dipertingkatkan lagi dalam bidang

disiplin perubatan lain demi kesejahteraan masyarakat khususnya di Sabah.

"Kepada ibu bapa serta peserta simposium, semoga bersama-sama memperoleh dan menikmati perkongsian ilmu pada hari ini," katanya.

Pada karnival tersebut, seramai 30 kanak-kanak disaring dan dikenal pasti untuk menjalani pembedahan khas baik pulih klef di Hospital Wanita dan Kanak-kanak

Sabah dan Hospital Queen Elizabeth.

Setiap tahun, dianggarkan 800 sehingga 1,000 bayi klef dilahirkan di Malaysia.

Turut hadir pada karnival tersebut, Pengarah Institut Penyelidikan Klinikal Malaysia, Profesor Datuk Kalaiarasu M. Peariasamy; Pengarah Hospital Queen Elizabeth, Dr. William Gotulis dan Pengarah Hospital UMS, Dr. Helen Lasimbang.